

## CONVENIO DE COLABORACIÓN ENTRE A AXENCIA PARA A MODERNIZACIÓN TECNOLÓXICA DE GALICIA, O SERVIZO GALEGO DE SAÚDE, O INSTITUTO GALEGO DE PROMOCIÓN ECONÓMICA E A FUNDACIÓN PÚBLICA GALEGA CENTRO DE SUPERCOMPUTACIÓN DE GALICIA PARA A ACTUALIZACIÓN TECNOLÓXICA DE SOFTWARE DE SERVIDOR, BACKOFFICE E ESCRITORIO DA XUNTA DE GALICIA

En Santiago de Compostela,

### REUNIDOS

Dunha parte, **Mar Pereira Álvarez**, directora da Axencia para a Modernización Tecnolóxica de Galicia (en diante AMTEGA), actuando en nome e representación da dita Axencia, en virtude das facultades conferidas polo Decreto 252/2011, do 15 de decembro e modificado polo Decreto 9/2021, do 21 de xaneiro, polo que se crea a Axencia para a Modernización Tecnolóxica de Galicia e se aproban os seus estatutos (Diario Oficial de Galicia núm. 10, do 16 de xaneiro de 2012) e o Decreto 91/2012, do 16 de marzo, polo que se nomea directora da Axencia para a Modernización Tecnolóxica de Galicia (Diario Oficial de Galicia núm 55, do 20 de marzo de 2012).

Doutra parte, **Fernando Guldrís Iglesias**, director do Instituto Galego de Promoción Económica, (en diante IGAPE) actuando en nome e representación de dito Instituto, en virtude das facultades que lle confire o artigo 12 da Lei 5/1992, de 10 de xuño, de creación do Instituto Galego de Promoción Económica.

Doutra parte, **José Flores Arias**, xerente do Servizo Galego de Saúde (en diante SERGAS), actuando en nome e representación do Organismo Autónomo, en virtude das facultades que conferidas polo Decreto 43/2013, do 21 de febreiro, de estrutura orgánica do Servizo Galego de Saúde e o Decreto 121/2014, de 25 de setembro, polo que se nomea xerente do Servizo Galego de Saúde

Doutra parte, **Lois Orosa Nogueira**, director da Fundación Pública Galega Centro Tecnolóxico de Supercomputación de Galicia (en diante CESGA), actuando en nome e representación deste centro, por delegación do seu Presidente.

As partes recoñécense capacidade e representación suficientes para formalizar o presente convenio de colaboración, e na súa virtude

### EXPOÑEN

**Primeiro.-** Que a AMTEGA é unha axencia publica autonómica, creada polo Decreto 252/2011, do 15 de decembro, modificado polo Decreto 9/2021, do 21 de xaneiro . De conformidade co disposto na disposición adicional terceira da Lei 16/2010, do 17 de



decembro, de organización e funcionamento da Administración xeral e do sector público autonómica de Galicia, a AMTEGA está adscrita á Presidencia da Xunta de Galicia.

A Amtega ten como obxectivos básicos a definición, o desenvolvemento e a execución dos instrumentos da política da Xunta de Galicia relativa ás tecnoloxías da información e comunicacións, innovación e desenvolvemento tecnolóxico, concentrando os recursos humanos, materiais e orzamentarios asociados ás estruturas de Tecnoloxías da Información e a Comunicación (TIC) do sector público autonómico.

Entre as funcións da AMTEGA atópanse as seguintes:

- A xestión da infraestrutura de sistemas dos centros de proceso de datos da rede corporativa da Xunta de Galicia e establecemento das políticas de apoio destes centros.
- A planificación, implantación e xestión da plataforma tecnolóxica: servidores, sistemas de almacenamento e software de base da Xunta de Galicia.
- O mantemento e soporte permanente da infraestrutura de sistemas: supervisión e monitorización da plataforma tecnolóxica, así como administración, instalación, configuración e explotación da infraestrutura de sistemas.
- A evolución e optimización da plataforma hardware y software de base.

O Instituto Galego de Promoción Económica (en adiante Igape) é un ente de dereito público con personalidade xurídica e patrimonio propios adscrito á Consellería de Economía e Industria, tal e como se recolle na Lei 5/1992, de 10 de xuño, de creación do Instituto Galego de Promoción Económica. O Igape, segundo o establecido no artigo 3 da Lei 5/1992, créase como un instrumento básico de actuación da Xunta de Galicia para impulsar o desenvolvemento competitivo do sistema produtivo galego, promovendo actividades que contribúan á creación de emprego en Galicia e a un desenvolvemento económico harmónico, equilibrado e xusto, baseado nun tecido industrial moderno e competitivo.

O Servizo Galego de Saúde (en adiante Sergas) é un organismo autónomo de carácter administrativo con personalidade xurídica propia, adscrito á Consellería de Sanidade, segundo se establece na Lei 1/1989 do 2 de xaneiro do Servizo Galego de Saúde. Segundo se desprende do artigo 3 desta Lei correspóndelle o desenvolvemento de tódalas áreas que configuran o concepto integral de saúde, xestionando a sanidade en tódalas súas facetas.

A Fundación Pública Galega Centro Tecnolóxico de Supercomputación de Galicia constituíuse mediante escritura pública outorgada en Santiago de Compostela o 23 de setembro de 2002 e clasificada como mixta segundo a Orde da Consellería de Presidencia, Relacións Institucionais e Administración Pública do 26 de setembro de



2002. Segundo consta no artigo 7 do seus estatutos son fins de esta Fundación todos aqueles que promovan a investigación e o uso do cálculo intensivo, comunicacións avanzadas e desenvolvemento das tecnoloxías da información e comunicacións, como instrumento par ao desenvolvemento socioeconómico sostible, adicando especial atención as relacións de cooperación entre os centros de investigación públicos ou privados do sector produtivo.

**Segundo.-** Debido ao constante cambio tecnolóxico e ás continuas melloras nas prestacións e funcionalidades que afectan a todas as infraestruturas hardware e software do mercado e, en particular, aos instalados nas plataformas de servidor, backoffice e escritorio da Xunta de Galicia, é necesario proceder á actualización das compoñentes software para así poder satisfacer as novas necesidades e, así mesmo, poder ser executadas de forma eficaz no novo hardware.

**Terceiro.-** Para a esta actualización tecnolóxica foi necesario acudir á contratación pública; deste xeito, a Amtega licitou o acordo marco cun único empresario da subministración e actualización tecnolóxica de software de servidor, backoffice e escritorio da Xunta de Galicia (expediente AMT-2021-0151).

O citado acordo marco foi adxudicado mediante Resolución do 31 de xaneiro de 2022 á empresa "Inetum España SA", coa que se subscribiu o correspondente contrato administrativo o 28 de febreiro de 2022. De acordo co establecido no punto 2.1 do seu prego de cláusulas administrativas particulares, poderán celebrar contratos derivados baseados nese acordo marco todos os departamentos da Administración Xeral da Comunidade Autónoma e as entidades do sector público autonómico ás que se refire o artigo 3 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, para as cales o dito acordo marco será de utilización obrigatoria.

**Cuarto.** O artigo 15.3 da Lei 14/2013, do 26 de decembro, de racionalización do sector público autonómico (Diario Oficial de Galicia núm. 17, do 27 de xaneiro de 2014), establece a posibilidade de celebrar convenios de colaboración ou cooperación para o financiamento conxunto de contratos para a satisfacción dunha finalidade común, que se realice entre órganos da Administración xeral da Comunidade Autónoma e das entidades do sector público ou entre estas entre si. A modalidade de actuación no financiamento conxunto deste contrato será a establecida no artigo 16.a) de dita Lei.



Tendo en conta o anterior, a AMTEGA, o SERGAS, o IGAPE e o CESGA manifestan a súa vontade de colaboración e con tal finalidade acordan a sinatura do presente convenio con suxeición ás seguintes

## CLÁUSULAS

### Primeira.- Obxecto

O obxecto do presente convenio é establecer as pautas que se seguirán na colaboración entre a AMTEGA, o SERGAS, o IGAPE e o CESGA para o financiamento conxunto do **primeiro contrato derivado do expediente AMT-2021-0151** de subministro e actualización tecnolóxica de software de servidor, backoffice e escritorio existente en diferentes organismos e entes dependentes da Xunta de Galicia.

### Segunda.- Financiamento

O importe da achega da **Axencia para a Modernización Tecnolóxica de Galicia** (AMTEGA) para a execución do obxecto mencionado na cláusula anterior, ascenderá a un máximo de catro millóns cincocentos trinta e seis mil douscentos oitenta e nove euros con tres céntimos (4.536.289,03 €), IVE non incluído, coa seguinte distribución por anualidades:

- Anualidade 2022: 1.510.773,25 €
- Anualidade 2023: 1.512.757,89 €
- Anualidade 2024: 1.512.757,89 €
- Anualidade 2025: 0,00 €

APLICACIÓN ORZAMENTARIA	ANO 2022	ANO 2023	ANO 2024	ANO 2025	TOTAL (S/IVE)
04.A1.571A.626.0	1.510.773,25 €	1.512.757,89 €	1.512.757,89 €	0,00 €	<b>4.536.289,03 €</b>

O importe da achega do **Servizo Galego de Saúde** (SERGAS) para a execución do obxecto mencionado na cláusula anterior, ascenderá a un máximo de dous millóns, cincocentos setenta e cinco mil novecentos trinta e oito euros e dezaioito céntimos (2.575.938,18 €), IVE non incluído, coa seguinte distribución por anualidades:

- Anualidade 2022: 0,00 €
- Anualidade 2023: 858.646,06 €
- Anualidade 2024: 858.646,06 €



- Anualidade 2025: 858.646,06 €

APLICACIÓN ORZAMENTARIA	ANO 2022	ANO 2023	ANO 2024	ANO 2025	TOTAL (S/IVE)
50.01.411A.621.4	0,00 €	858.646,06 €	858.646,06 €	858.646,06 €	<b>2.575.938,18 €</b>

O importe da achega do **Instituto Galego de Promoción Económica** (IGAPE) para a execución do obxecto mencionado na cláusula anterior, ascenderá a un máximo de cento trinta e nove mil cento setenta e nove euros e corenta e oito céntimos (139.179,48 €), IVE non incluído, coa seguinte distribución por anualidades:

- Anualidade 2022: 46.393,16 €
- Anualidade 2023: 46.393,16 €
- Anualidade 2024: 46.393,16 €
- Anualidade 2025: 0,00 €

APLICACIÓN ORZAMENTARIA	ANO 2022	ANO 2023	ANO 2024	ANO 2025	TOTAL (S/IVE)
08.A1.741A.626.0	46.393,16 €	46.393,16 €	46.393,16 €	0,00 €	<b>139.179,48 €</b>

O importe da achega do **Centro de Supercomputación de Galicia** (CESGA) para a execución do obxecto mencionado na cláusula anterior, ascenderá a un máximo de trinta e oito mil douscentos nove euros e cincuenta e seis céntimos (38.209,56 €), IVE non incluído, coa seguinte distribución por anualidades:

- Anualidade 2022: 12.736,52 €
- Anualidade 2023: 12.736,52 €
- Anualidade 2024: 12.736,52 €
- Anualidade 2025: 0,00 €

Conta Contable	ANO 2022	ANO 2023	ANO 2024	ANO 2024	TOTAL (S/IVE)
621	12.736,52 €	12.736,52 €	12.736,52 €	0,00 €	<b>38.209,56 €</b>

### Terceira.- Compromisos a desenvolver

Ao abeiro deste convenio, pola **Axencia para a Modernización Tecnolóxica de Galicia** (AMTEGA), desenvolveranse os seguintes compromisos:



- A tramitación e adxudicación do primeiro contrato baseado do acordo marco cun único empresario da subministración e actualización tecnolóxica de software de servidor, backoffice e escritorio da Xunta de Galicia (expediente AMT-2021-0151).
- O financiamento, por importe de **4.536.289,03 €** (IVE non engadido), do subministro dos seguintes produtos:

Axencia para a Modernización Tecnolóxica de Galicia (AMTEGA)		
Código	Descrición	Unidades
312-02257	ExchgSvrStd ALNG SA MVL	2
395-02504	ExchgSvrEnt ALNG SA MVL	14
6VC-01253	WinRmtDsktpSrvcsCAL ALNG SA MVL DvcCAL	170
6VC-01254	WinRmtDsktpSrvcsCAL ALNG SA MVL UsrCAL	500
77D-00111	VSPProSubMSDN ALNG SA MVL	9
7JQ-00343	SQLSvrEntCore ALNG SA MVL 2Lic CoreLic	112
7NQ-00292	SQLSvrStdCore ALNG SA MVL 2Lic CoreLic	125
9EA-00278	WinSvrDCCore ALNG SA MVL 2Lic CoreLic	170
9EM-00270	WinSvrSTDCore ALNG SA MVL 2Lic CoreLic	4.440
AAA-10732	EntMobandSecE3Full ShrdSvr ALNG SubsVL MVL PerUsr	1.000
AAA-10766	WinE3FromSA ALNG SubsVL MVL PerUsr	866
AAA-10842	O365E3 ShrdSvr ALNG SubsVL MVL PerUsr	2.250
AAD-33200	M365 E3 FromSA Unified ShrdSvr ALNG SubsVL MVL PerUsr	35
H04-00268	SharePointSvr ALNG SA MVL	26
R39-00396	WinSvrExtConn ALNG SA MVL	4
T6A-00024	O365E1 ShrdSvr ALNG SubsVL MVL PerUsr	63
W06-00021	CoreCAL ALNG SA MVL DvcCAL	866
AAA-10787	WinE3 ALNG SubsVL MVL PerUsr	20
NK4-00002 (*)	PwrBIPro ShrdSvr ALNG SubsVL MVL PerUsr (ou equivalente)	6
6VC-01251	WinRmtDsktpSrvcsCAL ALNG LicSAPk MVL DvcCAL	400
7JQ-00341	SQLSvrEntCore ALNG LicSAPk MVL 2Lic CoreLic	4
381-01615	ExchgStdCAL SNGL SA MVL DvcCAL	2.022
394-00559	ExchgStdCAL SNGL SA MVL UsrCAL	3.278
76N-02480	SharePointEntCAL SNGL SA MVL DvcCAL	20
H05-00214	SharePointStdCAL SNGL SA MVL DvcCAL	1.000
R18-00085	WinSvrCAL SNGL SA MVL DvcCAL	2.022
R18-00086	WinSvrCAL SNGL SA MVL UsrCAL	5.349



Ao abeiro deste convenio, polo **Servizo Galego de Saúde (SERGAS)**, desenvolverase o seguinte compromiso:

- O financiamento, por importe de 2.575.938,18 € (IVE non engadido), do subministro dos seguintes produtos:

Servizo Galego de Saúde (SERGAS)		
Código	Descrición	Unidades
312-02257	ExchgSvrStd ALNG SA MVL	7
395-02504	ExchgSvrEnt ALNG SA MVL	11
5HU-00235	SfBSvr SNGL SA MVL	5
6VC-01253	WinRmtDsktpSrvcsCAL ALNG SA MVL DvcCAL	800
76A-00031	EntCAL ALNG SA MVL DvcCAL wSrvcs	600
7JQ-00343	SQLSvrEntCore ALNG SA MVL 2Lic CoreLic	24
7NQ-00292	SQLSvrStdCore ALNG SA MVL 2Lic CoreLic	100
9EA-00278	WinSvrDCCore ALNG SA MVL 2Lic CoreLic	16
9EM-00270	WinSvrSTDCore ALNG SA MVL 2Lic CoreLic	2.840
AAA-10766	WinE3FromSA ALNG SubsVL MVL PerUsr	1.500
D75-01981	BztlkSvrStd ALNG SA MVL 2Lic CoreLic	4
F52-02145	BztlkSvrEnt ALNG SA MVL 2Lic CoreLic	4
H04-00268	SharePointSvr ALNG SA MVL	6
MX3-00117	VSEntSubMSDN ALNG SA MVL	1
R39-00396	WinSvrExtConn ALNG SA MVL	2
W06-00021	CoreCAL ALNG SA MVL DvcCAL	5.650
394-00559	ExchgStdCAL SNGL SA MVL UsrCAL	6.500
76N-02480	SharePointEntCAL SNGL SA MVL DvcCAL	10
R18-00086	WinSvrCAL SNGL SA MVL UsrCAL	6.500
YEG-00421	SfBSvrPlusCAL SNGL SA MVL DvcCAL	250

Ao abeiro deste convenio, polo **Instituto Galego de Promoción Económica (IGAPE)**, desenvolverase o seguinte compromiso:

- O financiamento, por importe de 139.179,48 € (IVE non engadido), do subministro dos seguintes produtos:

Instituto Galego de Promoción Económica (IGAPE)		
Código	Descrición	Unidades
312-02257	ExchgSvrStd ALNG SA MVL	1



<b>Instituto Galego de Promoción Económica (IGAPE)</b>		
<b>Código</b>	<b>Descrición</b>	<b>Unidades</b>
359-00792	SQLCAL ALNG SA MVL DvcCAL	150
395-02504	ExchgSvrEnt ALNG SA MVL	2
77D-00111	VSPProSubMSDN ALNG SA MVL	1
7NQ-00292	SQLSvrStdCore ALNG SA MVL 2Lic CoreLic	16
810-04760	SQLSvrEnt ALNG SA MVL	2
9EM-00270	WinSvrSTDCore ALNG SA MVL 2Lic CoreLic	176
AAA-10766	WinE3FromSA ALNG SubsVL MVL PerUsr	135
AAD-33200	M365 E3 FromSA Unified ShrdSvr ALNG SubsVL MVL PerUsr	15
H04-00268	SharePointSvr ALNG SA MVL	1
W06-00021	CoreCAL ALNG SA MVL DvcCAL	135

Ao abeiro deste convenio, pola **Fundación Pública de Galicia Centro de Supercomputación de Galicia** (CESGA), desenvolverase o seguinte compromiso:

- O financiamento, por importe de 38.209,56 € (IVE non engadido), do subministro dos seguintes produtos:

<b>Centro de Supercomputación de Galicia (CESGA)</b>		
<b>Código</b>	<b>Descrición</b>	<b>Unidades</b>
AAA-10732	EntMobandSecE3Full ShrdSvr ALNG SubsVL MVL PerUsr	40
AAA-10842	O365E3 ShrdSvr ALNG SubsVL MVL PerUsr	40
H30-00238	PrjctPro ALNG SA MVL w1PrjctSvrCAL	1

Os importes totais **con IVE engadido** por cada unha das partes participantes son os que figuran a continuación:

- AMTEGA:.....5.488.909,73 €
- SERGAS:.....3.116.885,20 €
- IGAPE:.....168.407,17 €
- CESGA:.....46.233,57 €
- **TOTAL:.....8.820.435,67 €**

Os gastos a maiores, que deriven da execución do contrato sobre o orzamento de adjudicación, derivados de modificacións contractuais, revisión de prezos ou liquidacións, aboaranse polos participantes na parte que proporcionalmente que lle afecte.



#### **Cuarta.- Expediente de contratación**

No expediente de contratación do primeiro contrato baseado no acordo marco AMT-2021-0151 acreditarase a plena dispoñibilidade de todas as achegas mediante a incorporación deste convenio, así como os certificados de existencia de crédito e a documentación que acredita a súa retención, ou documentos que legalmente os substitúan, sen que sexa preciso a formalización de garantías entre as entidades do sector público participantes.

A Axencia para a Modernización Tecnolóxica de Galicia actuará no expediente de contratación e na execución do contrato en nome e por conta das partes participantes neste convenio e poderá exercer todas as potestades que a lexislación lle recoñece ao órgano de contratación fronte ao contratista, sen prexuízo da adecuada coordinación nas relacións internas coas demais entidades participantes.

#### **Quinta.- Modalidade de actuación no financiamento conxunto**

A modalidade de actuación no financiamento conxunto que se aplica neste convenio é a denominada concorrencia subxectiva na posición do contratante, prevista no artigo 16 a) da Lei 14/2013, do 26 de decembro, de racionalización do sector público autonómico.

A Axencia para a Modernización Tecnolóxica de Galicia, o Servizo Galego de Saúde, o Instituto Galego de Promoción Económica e o Centro de Supercomputación de Galicia quedarán obrigados respecto do contratista, concorrendo á cotitularidade do contrato, e serán responsables directos cada un deles da obriga de pagamento das cantidades comprometidas na cláusula segunda e terceira.

Cada participante deste convenio será responsable de aboarlle, ao contratista do primeiro contrato baseado do acordo marco de subministración e actualización tecnolóxica de software de servidor, backoffice da Xunta de Galicia os produtos adquiridos nos termos establecidos no dito acordo marco e no contrato baseado, e segundo o prezo acordado.

Polo tanto, cada parte deste convenio deberá aboarlle ao contratista soamente a súa parte e non será responsable do aboamento da outra parte. Esta cuestión deberá constar expresamente na folla de especificacións do contrato baseado.

#### **Sexta.- Vixencia**

Este convenio producirá os seus efectos a partir da data da súa sinatura e a súa vixencia estenderase ata o momento que se extinga o primeiro contrato derivado previsto, en todo caso ata o 31 de decembro de 2025. En caso de previsión de prórroga do dito contrato baseado, poderase prorrogar tamén con carácter previo a vixencia deste



convenio, mediante a subscripción dunha addenda na que se detallarán os compromisos das partes.

### **Sétima.- Resolución**

Este convenio resolverase:

- Polo incumprimento total ou parcial dalgunha das estipulacións que o regulan.
- Pola finalización da súa vixencia.
- Pola denuncia unilateral de calquera das partes previa comunicación á outra cunha antelación de tres meses.
- Polo incumprimento da normativa vixente en materia contractual.

### **Oitava.- Modificación**

O presente convenio poderá ser obxecto de desenvolvemento a través das correspondentes addendas ao mesmo.

De acordo co disposto no artigo 31.4 da Lei 14/2013, do 26 de decembro, de racionalización do sector público autonómico, o convenio poderá ser obxecto de modificación cando teñan como finalidade o logro dos obxectivos de estabilidade orzamentaria e sostibilidade financeira. Ditas modificacións terán por obxecto a redución do volume das obrigas ou a ampliación do seu prazo de execución.

### **Novena.- Comisión de seguimento**

Para velar polo cumprimento do estipulado, constituirase unha comisión paritaria de seguimento da execución do convenio, formada por dous representantes da Axencia para a Modernización Tecnolóxica de Galicia, dous representantes do Servizo Galego de Saúde, dous representantes do Instituto Galego de Promoción Económica e dous representantes do Centro de Supercomputación de Galicia, que actuará como órgano de vixilancia, seguimento e control do establecido neste convenio, promovendo, se o considera adecuado, outras actuacións que poidan enriquecer o seu desenvolvemento.

Esta comisión estará presidida pola directora da Axencia para a Modernización Tecnolóxica de Galicia.

### **Décima.- Publicidade**

As partes consenten expresamente a inclusión dos datos relevantes deste convenio no rexistro público de Convenios, de acordo co Decreto 126/2006, do 20 de xullo, polo que se regula o Rexistro de Convenios da Xunta de Galicia.



Segundo o artigo 17 da Lei 1/2016, do 18 de xaneiro, de transparencia e bo goberno, ademais da información que se debe de facer pública segundo a normativa básica en materia de transparencia, a Administración autonómica publicará o texto íntegro do convenio, en cumprimento do establecido no artigo 15 da Lei 1/2016.

As partes asinantes autorizan/consenten a publicidade dos seus datos persoais e demais especificacións recollidas no presente instrumento de colaboración no Portal de Transparencia e Goberno Aberto.

### **Décimo primeira .- Protección de Datos de Carácter Persoal**

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se deroga a Directiva 95/46/CE (Regulamento xeral de protección de datos), da Lei orgánica 3/2018, do 5 de decembro, de Protección de datos persoais e garantía dos dereitos dixitais, do Real Decreto 1720/2007, do 21 de decembro, polo que se aproba o Regulamento de desenvolvemento da LOPD, e demais normativa vixente de aplicación en cada momento en materia de protección de datos.

### **Décimo segunda.- Réxime xurídico e resolución de conflitos**

Este convenio de colaboración ten natureza administrativa, e rexerese pola Lei 39/2015, do 1 de outubro, do procedemento administrativo común das administracións públicas, e pola Lei 14/2013, do 26 de decembro, de racionalización do sector público autonómico, pola lexislación en materia de contratos do sector público e polas demais normas de aplicación.

As discrepancias que se poidan producir e que non poidan ser resoltas no seo da Comisión de Seguimento, resolveranse nos termos previstos no artigo 18 da Lei 14/2013, do 26 de decembro, de racionalización do sector público autonómico e no artigo 13 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, para os conflitos de atribucións.

E en proba de conformidade co exposto, asinan este convenio no lugar e data sinalados.

A directora da Amtega

O director do IGAPE

Mar Pereira Álvarez

Fernando Guldrís Iglesias

O xerente do SERGAS

O director do CESGA

José Flores Arias

Lois Orosa Nogueira

